

重訂唐王燾先生外臺秘要方第十三卷目錄

骨蒸傳屍鬼魅二十六門

虛勞骨蒸方七首

骨蒸方一十七首

灸骨蒸法圖四首

疰氣骨蒸方三首

虛損慘頽作骨蒸方四首

瘦病方五首

傳屍方四首

伏連方五首

飛尸方三首

遁尸方三首

五尸方一十一首

尸疰方四首

五疰方四首

江南九十九疰方二首

江南三十六疰方三首

疰病相染易方三首

鬼疰方二首

鬼疰心腹痛方一首

鬼疰羸瘦方二首

王憲先 鬼氣方三首

鬼魅精魅方八首

鬼神交通方四首

白虎方五首

無辜方一首

除骨熱方四首

盜汗方七首

身有方
三首

王燾先生外臺秘要方第十三卷

宋朝散大夫守光祿卿直秘閣判登聞鼓院上護軍臣林億等上進

新安後學程衍道敬通父訂梓

虛勞骨蒸方七首

病源夫蒸病有五一日骨蒸其根在腎旦起體涼日晚卽
熱煩躁寢不能安食都無味小便赤黃忽忽煩亂細喘無
力腰疼兩足逆冷手心常熱蒸盛傷內卽變爲疴食人五
藏二日脉蒸其根在心日增煩悶擲手出足翕翕思水口
唾白沫臥卽浪言或驚恐不定脉數蒸盛之時或變爲疴

臍下悶或暴痢不止三曰皮蒸其根在肺必大喘鼻乾口中無水舌上白小便赤如血蒸盛之時胃滿或自稱得症熱兩脅下脹大欬徹背連脾疼眠寐不安或蒸毒傷藏口內唾血四曰肉蒸其根在脾體熱如火煩躁無汗心腹鼓脹食卽欲嘔小便如血大便秘澀蒸盛之時或體腫目赤寢臥不安五曰內蒸亦名血蒸所以名內蒸者必外寒而內熱把手附骨而熱是其根在五藏六腑其人必因患後得之骨肉自消飲食無味或皮燥而無光蒸盛之時四肢漸細足跌腫起又有二十三蒸一胞蒸小便黃赤二玉房蒸男子則遺瀝漏精女則月候不調三腦蒸頭眩悶熱四

髓蒸髓沸熱五骨蒸齒黑六筋蒸甲焦七血蒸髮焦八脉
蒸脉不調或急或緩九肝蒸眼黑十心蒸舌乾十一脾蒸
唇焦十二肺蒸鼻乾十三腎蒸兩耳焦十四膀胱蒸右耳
偏焦十五膽蒸眼白失色十六胃蒸舌下痛十七小腸蒸
下唇焦十八大腸蒸鼻右孔乾痛十九三焦蒸亦雜病乍
熱乍寒二十肉蒸二十一膚蒸二十二皮蒸二十三氣蒸
遍身氣熱凡諸蒸患多因熱病患愈後食牛羊肉及肥膩
或酒或房觸犯而成此疾久蒸不除多變成疔必須先防
下部不得輕妄療之

出第四卷中

崔氏療五蒸夫蒸者是附骨熱毒之氣皆是死之端漸庸

醫及田野之夫不識熱蒸體形狀妄注神祟以相疑惑蒸盛摠變爲瘡而致死者不可勝記其蒸有五請略陳之一曰骨蒸早起體涼日晚便熱煩躁不安食都無味小便赤黃忽忽煩亂細喘無力或時腰痛兩足逆冷手心常熱蒸盛傷內乃變成瘡食人五藏若大便澁方

可服芒消一服一方寸七日再服亦可擣苦參蜜和爲丸如梧子大一服七九日再以飲送之無忌以體輕涼爲度

二曰脉蒸其根在心日增煩悶擲手出足翁翁思水口唾白沫卧便浪語或驚恐不安其脉又數此蒸若盛亦變爲

癘傍臍時悶或痢不止方

苦參

青葙 各二兩

艾葉

甘草 各一兩

右四味切以水四升煮取一升半分爲三分用羊胞盛之以葦灌下部中若不利取芒消一方寸匕和冷水合和服之日再服忌海藻松菜

三日皮蒸其根在肺必大喘鼻乾口中無水舌上白小便赤如血蒸盛之時胃中滿悶或自稱得疰手掩兩脅不得大欬徹背連胛疼眠寐不安此蒸毒傷五藏口便唾血方急與芒消一兩以水一升半和分爲三服三日服止訖以冷水浸手以熨脅間及腋下并胃上及痛處亦

可舉臂指灸側腋下第三肋間腋下空中七壯立止
四曰肉蒸其根在脾體熱如火煩躁無汗心腹鼓脹食飲
無味食訖便嘔小便如血大便秘澁蒸盛之時或體腫目
赤不得安寐方

大黃一兩半切如小豆大以水一升浸一宿明且絞
取汁一服五合許微利卽止若熱不定亦可服芒消
一方寸匕日三以體涼爲度

五曰內蒸所以言內蒸者必外寒內熱把手附骨而熱也
其根在五藏六腑之中其人必因患後得之骨肉自消食
飲無味或皮燥而無光蒸盛之時四肢漸細足趺腫起方

石膏十兩研如乳粉法水和服方寸七日再以體涼

為度 出第七卷中

古今錄驗解五蒸湯方

甘草 一兩炙 茯苓 三兩 人參 二兩 竹葉 二把

葛根 乾地黄 各三兩 知母 黃芩 各二兩

石膏 五兩碎 粳米 一合

右十味切以水九升煮取二升半分為三服亦可以水

三升煮小麥一升乃煮藥忌海藻菘菜蕪荑火醋 范汪同

方無甘草茯苓人參竹葉止六味

又五蒸丸方

尚德按
火穀當
釋大

烏梅

鷄骨

一本是鷄骨

紫苑

芍藥

大黃

黃芩

細辛

各五分

知母

四分

礬石

鍊

栝樓

各一分

桂心

二分

右十一味末之蜜和丸如梧子飲服十九日二忌生葱

生菜

並出第五卷中一方無桂心

骨蒸方一十七首

廣濟療骨蒸肺氣每至日晚即惡寒壯熱頰色微赤不能

下食日漸羸瘦方

生地黄

三兩細切

葱白

細切

香豉

甘草

炙各三兩

童子小便

升二

右五味切以地黃等於小便中浸一宿平晨煎兩沸絞去滓澄取一升二合分溫二服服別相去如人行七八里服一劑差止不服忌海藻菘菜蕪萹熱麪猪肉油膩黏食等

出第四卷中

崔氏療骨蒸以骨汁淋方

取枯朽骨碎

五大升一切骨皆堪用唯洗刷刮不得遺微有土氣但似有土氣即不差病

柳枝

三大斗

棘針

三大斗

桃枝

三大斗

右四味以清水五大石煮之減半乃濾出汁別取清漿

兩大石投釜中和骨重煮三兩沸然後搵濾出淨拭釜

取此前後湯相和更報煖隨次取用使患者解髮令散

以此湯潑頂淋之其湯令熱但不破肉爲準一舉淋湯
遣盡若覺心悶卽喫三兩口冷飯如不能坐卽臥淋淋
湯之時自當大汗汗出少處仍偏淋之務取汗勻以祛
惡氣淋訖可食一大椀熱葱豉粥仍暖覆取汗汗解以
粉摩身連手足使周遍患重者不過再淋欲重淋時量
氣力淋此湯若飲之尤佳

出第七卷中文仲療骨蒸方

生地黄一大升搗絞取汁盡度搗絞始汁盡分再服
若利卽減之以身輕涼爲度忌蕪荑

又療骨蒸苦熱瘦羸回目痿黃嘔逆上氣煩悶短氣喘急
日晚便劇不能飲食若服生地黄汁卽便服此方

龍膽

黃連

栝樓

苦參

青蘗

芍藥

梔子人

十枚

芒消

大黃

各二分

黃芩

三分

右十味搗篩為散飲服一錢匕加至方寸匕日再大須

慎生食若不禁生食不須服之忌猪肉冷水

千金經心錄並作丸

服之藥味同

又療骨蒸唇乾口燥欲得飲水止渴竹葉飲方

竹葉

一握

麥門冬

一升去心

大棗

二十顆擘

甘草

三兩炙

半夏

一升湯洗令滑盡

粳米

五合

生薑

三兩

右七味切以水五升煮取二升半分溫三服忌羊肉錫

海藻菘菜

又方

麥門冬

一升 去心

小麥

二升

枸杞根

切三升

右三味以水一斗煮取三升煮小麥熟去滓分溫日三

服

又方

大烏梅

二十枚

石膏

六兩碎 錦裏

右二味以水七升煮取四升去滓以蜜三合稍稍飲之

佳

又方

患殭殭上於劫切下等病必瘦脊骨自出以壯丈夫

余舞切下同

屈手頭指及中指夾患人脊骨從大椎向下盡骨極指復向上來去十二三迴然以中指於兩畔處極彈之若是此病應彈處起作頭多可三十餘頭即以墨點上記之取三指大青竹筒長寸半一頭留節無節頭削令薄似劍煮此筒子數沸及熱出筒籠墨點處按之良久以刀彈破所角處又煮筒子重角之當出黃白赤水次有膿出亦有蟲出者數數如此角之令惡物出盡乃即除當目明身輕也

又療骨蒸消渴消中熱中渴痢心熱心忪風虛熱傳屍等

方

苦參 一大斤 黃連 去手

知母

梧樓

麥門冬 去心 牡蠣 各五大 兩熬

右六味擣篩以生牛乳和併手捻為丸如梧子大暴乾
一服二十九稍稍加至三十九日再服飽食訖以漿水
下如食熱麩酒加至五十九丸忌猪肉冷水 救急同

又療骨蒸蒼梧道士方

紫苑 桔梗 續斷 青竹筴

五味子 各三兩碎 桑根白皮 五兩 甘草 二兩炙 乾地黄 五兩 熱多

者用 赤小豆 一升

右九味切以水九升煮取三升五合分溫三服服五六劑十年者亦差每隔五日一劑初發卽服大驗勿輕之可頻服立驗蘓遊玄感論云主肺氣欬者相當餘同忌海藻菘菜猪肉蕪蕒

又療骨蒸欬出膿病重者方

皂莢

一兩炙去皮綿裹

白錫

一兩

乾棗

七枚擘

生薑

二分切

右四味以酒一大升煮取半升去滓先食飯然後服二

合如人行三四里不吐更服二合又如人行二三里不

吐搥服盡方便令吐卽膿出

並出第一卷中

救急骨蒸之候男子因五勞七傷或因肺壅之後或爲瘴

瘥之後宿患痲癩婦人因產後虛勞漏汗寒熱或為月閉不通無間男子婦人因天行已後餘熱不除或為頻頻勞復小兒閃癩其病並緣此十候所致因茲漸漸瘦損初著盜汗盜汗以後即寒熱往來寒熱往來以後即漸加欬欬後面色白兩頰見赤如臙脂色團團如錢許大左卧即右出唇口非常鮮赤若至鮮赤即極重十則七處三活若此以後加吐吐後痢百無一生不過一月死服此丸仍得不着後人此病人急多是冤鬼病治之方

青蘘苗

六月六日採

知母

黃連

去毛

大黃

梔子人

枯樓

常山

蔓裝各八分 苦參皮十二分 甘草炙

蜀漆各五分 洗

右十一味搗篩蜜和爲丸如梧子大飲服五丸漸加至
十五丸日再以知爲度因至利忌猪肉熱麪葱蒜生菜
海藻菘菜

又療骨蒸方

毛桃人一百二十枚去皮及雙人留尖

右一味搗令可丸平旦以井華水頓服使盡服訖量性
飲酒使醉仍須喫水能多最精隔日又服一劑百日不
得食肉

又療骨蒸極熱方非其人莫浪傳

取乾人糞燒令外黑內水中澄清每旦服一小升薄
晚後服小便一小升以差爲限旣常服不可朝朝取
作大坑燒二升夜以水三升漬之稍稍減服小便勿
用自身者小兒者佳

又方

用雄黃一大兩和小便一大升研令爲粉乃取黃理
石一枚方圓可一尺左側以炭火燒之三食頃極熱
灌雄黃汁於石上恐太熱不可近宜著一片薄氈置
石上令患人脫衣坐上石冷停以衣被圍遶身勿令
藥氣洩出莫辭衣物臭也凡經三五度如此必差

艾葉骨蒸傳屍方

皂莢

長一尺者無相續取多令微焦去黑皮碎之綿裹

黑錫

大如鷄子

羊肉

大如拳煮如常法

右三味取一升無灰清酒貯銅鐺內卽著綿裹煎三五

沸卽漉去綿裹卽內黑錫使融液盡煎取三合令病者

先啜肉汁卽服一合如變吐困不須起次以銅盆貯水

令病人坐上有蟲麤如馬尾赤色頭黑卽效如無以服

三合盡爲度一服相去如人行十里必是得驗其禁食

一如藥法 並出第二卷中

必效骨蒸病小便方

取三歲童子小便五升煎取一大升以三匙蜜和為
 兩服中間如人行二十里服此以後每自小便即取
 服之仍去前後取中央者病輕者二十日病重者五
 十日二十日以後當有蟲蚰蜒兒其蟲在身當處出
 俱令去人五步十步聞病人小便臭者無不差台州

丹仙觀張道士自服非常神驗

山第二卷中

灸骨蒸法圖四首

崔氏別錄灸骨蒸方圖并序中書侍郎崔知拂撰

夫含靈受氣稟之於五常攝生乖理降之以六疾至若岐

黃廣記抑有舊經攻灸單行罕取今術骨蒸病者亦名傳

屍亦謂殮殍亦稱伏連亦曰無辜丈夫以瘵氣為根婦人

尚志控
攝經當
外保

以血氣爲本無問少長多染此疾嬰孺之流傳注更苦其
爲狀也髮乾而聳或聚或分或腹中有塊或腦後近下兩
邊有小結多者乃至五六或夜臥盜汗夢與鬼交通雖目
視分明而四肢無力或上氣食少漸就沈羸縱延時日終
於溘盡余昔忝洛州司馬常三十日灸活一十三人前後
差者數過二百至如狸頭獺肝徒聞曩說金牙銅鼻罕見
其能未若此方扶危拯急非止單攻骨蒸又別療氣瘵風
或瘴或勞或邪或癰患狀旣廣救愈亦多不可具錄略陳
梗槩又恐傳授謬訛以誤將來今故具圖形狀庶令覽者
易悉使所在流布頗用家藏未暇外請名醫傍求上藥還

魂反魄何難之有遇斯疾者可不務乎

灸骨蒸及邪但夢與鬼神交通無不差之法

使患者平身正立取一細繩令於脚下緊踏

男左女右

其繩前

頭使與大拇指指端齊後頭令當脚根後即引向上至曲脛

中大橫文便截繩使斷又使患者解髮分兩邊使見分頭

路仍平身正坐乃取向所截繩一頭與鼻端齊引向上路

頭通過逐脊骨引繩向下盡繩頭即點著又別取小繩一

頭與唇端齊合口處一頭向上至鼻底便截斷將此短小

繩於前所點處中摺橫分兩邊兩頭各點記使與中央初

點處正橫相當此小繩兩頭是灸處當脊初點者非灸處

馬德按
探疑當

其爲度其點拭却

又法

使患人平身正坐稍縮膊取一繩繞其項向前雙垂共鳩尾齊卽截斷鳩尾是心岐骨人有無心岐骨者可從胛前兩岐骨下量取一寸卽當鳩尾仍一倍翻繩向後取中屈處恰當喉骨其繩兩頭還雙垂當脊骨向下盡繩頭點著又別取一小繩令患人合口橫度兩吻便割斷還於脊上所點處橫分點如前其小繩兩頭是灸處長繩頭非灸處拭却以前揔通灸四處日別各灸七壯以上二七以下其四處並須滿二十壯未覺効可至百壯乃停候瘡欲差又

取度兩吻小繩子當前雙垂繩頭所點處逐脊骨上下中
分點兩頭如橫點法謂之四花此後點兩頭亦各灸百壯
此灸法欲得取离日量度度訖卽下火唯須三月三日艾
爲佳療差百日以來不用雜食灸後一月許日患者若未
好差便須報灸一如前法當卽永差

出第七卷中

張文仲說荊州人王元禮嘗家患骨蒸傳尸死盡有一道
士忽教灸卽斷兼更教人無有不差者欲識此病其病先
乍寒乍熱有時唇赤或頰赤并有時痢血多唾有時欲得
食有時不欲食兩脊脉常急患兒多欬盜汗以指按捻脊
膂四邊肉有時心胷氣滿急黃瘦膂中肉盡遂卽著床如

種字可
通按

者床胷前自動脊膂兩邊肉盡灸療卽難如灸候胷前肉
動非事灸法如看病兒是病更不須選离日卽預將艾去
卽將病兒於王道頭日午時灸灸七壯若先知其病又緩
卽取离日午時大吉欲灸覆病兒面向下著地取掀肋頭
以病兒大拇指自捻著展中指直向脊骨指頭脊膂中肉
少肋上點記從點記處向上至耳下尖頭卽中央屈繩從
初點處向上還當脊膂點繩所到記之又更再屈繩從元
點記處向上還進前點記又以杖量取患兒中指頭兩節
折斷還從元點記向下當脊膂點記一邊點四處兩邊俱
點揔八處各須去脊骨遠近一種並須上下相當下從掀

肋上至耳根取直其八處一時下火艾炷如棗核堅實作
之灸了即以灰三匝圍坐處便歸家不須迴顧禁肉麪生
冷特忌色及雜食平復後任依常未平復有犯重發即不
可復療

神素師灸骨蒸欬法

當頭耳孔橫量相離三寸許相當灸有穴日灸三壯至第
八日灸二七了第三椎上第二椎下男取左手女取右手
頭指依兩指頭東西灸日上七壯至第八日各灸五十壯
復五日日灸各十五壯脛取繫鞋橫大文量至膝剗口亞切
下中分當脛骨外日灸一七壯滿第八日日灸滿三十五

目了當臂上皆男左女右取頭指從腕文當指當頭多日
七壯至第八日滿百壯婦人肚脹月節不通取右手頭指
當臍量至下腹當指頭炙日七滿三百壯隔上午後炙隔
下午前炙
出第一卷中

疝氣骨蒸三方

廣濟療疝氣心忪骨蒸熱闇風鼈甲丸方

鼈甲 炙

芍藥

蝮蛇脯 炙

大黃 各八分

人參

訶梨勒皮

熬枳實 炙

防風 各六分

右八味擣篩爲末蜜和丸如梧子以酒飲下二十九漸
漸加至三十九日再服不利忌莧菜生菜熱麩蕎麥蒜

粘食 出第二卷中

備急療疰癰鬼氣疰忤骨蒸祕驗方

大黃

別漬湯欲成
下一方四兩

鼈田 炙

釣藤

升麻

甘草

炙各二兩

丁香

二七枚湯
欲成下

右六味切以水七升煮取二升八合去滓分作三服又

用牛黃犀角

判未

朱砂麝香

各一分

細研分為三分每服以

一分內湯中服經用多効特忌猪肉粘食生冷莧菜海

藻菘菜

蘇遊同出第三卷中
一方有黃
苓二兩

必効療疰癰鬼氣壯熱兼欬久為骨蒸驗方

柴胡 四兩

茯苓

白朮

枳實

炙各三兩

右四味切以水七升煮取二升半分爲三服積熱不減
卽加芒消六分取利熱除之後每三日服一劑差後每
月一劑肥白終身永除忌桃李雀肉大醋 出第二卷中
虛損慘頓作骨蒸方四首

張文仲療虛損慘頓不食四體勞強時翕翕熱無氣力作
骨蒸候方

童子小便 一大升淡 豉 一合 葱白 一合 杏仁 四十枚去尖皮碎

右四味合煎取三分中分之二服使盡日別一劑服之
至十劑愈若服經三四劑覺四體益熱卽服後方

又方

小便一大升淡者去前後葱白一合切豉一抄生薑一大兩切

生地黄一握碎

右五味合煎六七沸絞取汁半升許分爲兩服或三服每服空腹服至二七日必差差後停三四日將息更服二七日神驗每服五六劑覺內少冷卽服前方二方以意斟酌間服常夜合浸頃久便卽煎服至五更半令服了至欲明更服後丸服訖至日出時不妨食至晚間未食更一服忌蕪荑

又方

人頭骨三大兩炙麝香一十兩

右二味搗篩和蜜搗一千杵丸如梧子一服七九日再
服以粥飲送藥若胃前有青脉出者以針刺看血色未
變黑者服藥七日必差每日午時能更服後丸一服亦
好藥既無毒於事不妨

蘇連療骨蒸肺痿煩躁不能食蘆根飲子方

蘆根

切 乾 秤

麥門冬

去 心

地骨白皮

各 十 兩

生薑

十 兩 合 皮 切

橘皮

茯苓

各 五 兩

右六味切以水二斗煮取八升絞去滓分温五服服別
相去八九里晝三服夜二服覆取汗忌酢物未好差更
作若兼服其人或胃中寒或直惡寒及虛脹并痛者加

吳茱萸八兩

瘦病方五首

病源夫血氣者所以榮養其身也虛勞之人精髓萎竭血
 氣虛弱不能充盛肌膚故羸瘦也其湯熨針石別有正方
 補養宜導今附於後養生方云朝朝服玉泉使人丁壯有
 顏色去蟲而牢齒也玉泉口中唾也朝未起早漱口吞之
 輒琢齒二七過如此者三乃止名曰練精又云咽之三過
 乃止補養虛勞令人強壯

出第三卷中

廣濟療瘦病每日西卽亦色脚手酸疼口乾壯熱懶肝丸

方

德按
疑當
示

天靈蓋分 生犀角屑

升麻四分 松脂五分 枳實四分 甘草五分

右八味搗篩蜜和丸如梧子空以酒送下二

十九日再不利三升湯藥二升生葱熟麩炙肉魚蒜粘食

陳臭等物

又療瘦病方

天靈蓋一大 麝香一分 蘇合一分 朱砂一兩半
光明者

好豉一大
乾之

右五味各別搗篩之然後和令調每晨空腹以小

半升和散方寸匕一服差止不利忌生血物

又療腹脹瘦病不下食方

柴胡

茯苓

各十分二分

枳實

白朮

人參

麥門冬

去心

生薑

合皮切各六分

右七味切以水六升煮取一升八合絞去滓分溫三服

服別相去七八里喫一服不利忌生冷油膩小豆粘食

桃李醋物雀肉等

又知母丸主瘦病及久瘡黃等方

知母

常山

各三分

甘草

炙

大黃

麻黃

去節

黃芩

杏仁

各二兩去尖皮蒸

蜀漆

洗

牡蠣

各一兩

右九味搗篩蜜和丸如梧子空心服飲下七丸忌猪肉
及葱酒麪服後心悶卽吐是此病出候不唾更漸加兩
丸日與諸人服神驗非一忌海藻菘菜生葱生菜等
此方云是張文仲去英公處傳

救急療瘦疾方

甘草

三兩
炙

右每日以小便煮甘草三數沸頓服甚良忌海藻菘菜
並第二卷中

傳屍方四首

蘇遊論曰大都男女傳屍之候心胃滿悶背膊煩疼兩目

精明四肢無力雖知欲卧睡常不著脊脊急痛膝脛酸疼
多卧少起狀如佯病每至旦起卽精神尚好欲似無病從
日午以後卽四體微熱面好顏色喜見人過常懷忿怒纔
不稱意卽欲嗔恚行立脚弱夜卧盜汗夢與鬼交通或見
先亡或多驚悸有時氣急有時欬嗽雖思想飲食而不能
多食死在須臾而精神尚好或兩肋虛脹或時微利鼻乾
口燥常多粘唾有時唇赤有時欲睡漸就沈羸猶如水涸
不覺其死矣

又論曰傳屍之疾本起於無端莫問老少男女皆有斯疾
大都此病相剋而生先內傳毒氣周遍五藏漸就羸瘦以

死死訖復易家親一人故曰傳屍亦名轉注以其初
得半卧半起號爲殮殪氣急欬者名曰肺痿骨髓中熱稱
爲骨蒸內傳五藏名之伏連不解療者乃至滅門假如男
子因虛損得之名爲勞極具楚云淋瀝巴蜀云極勞其源
先從腎起初受之氣兩脛酸疼脊拘急行立脚弱食飲
減少兩耳颼颼欲似風聲夜卧夢洩陰汗痿弱腎既受已
次傳於心心初受氣夜卧心驚或多忪悸心懸乏氣吸吸
欲盡夢見先亡有時盜汗食無滋味口内生瘡心常煩熱
雖欲眠卧朝輕夕重兩頰口唇悉紅赤如傳烟脂又時手
足五心皆熱心既受已次傳於肺肺初受氣時時欬嗽氣

力微弱有時喘氣卧即更甚鼻口乾燥不聞香臭假令得

聞准覺朽腐物氣有時惡心憤憤欲吐肌膚枯燥或時刺

痛或似蟲行乾皮細起狀若麤片肺既受已次傳於肝肝

初受氣兩目膜膜面無血色常欲輦眉視不及遠日常乾

澁又時赤痛或復睛黃朝暮瞢莫紅切蒙音蒙蒙音蒙常欲合眼及

至於卧睡還不著肝既受已次傳於脾脾初受氣兩肋虛

脹食不消化又時渴利熟食生出有時肚痛腹脹雷鳴唇

口焦乾或生瘡腫毛髮乾聳無有光潤或復上氣擡肩喘

息利赤黑汁至此候者將死之證也

又論曰毒氣傳五藏候終不越此例但好候之百不失一

又論曰凡患癥癖之人多成骨蒸不者卽作水病仍須依
癖法灸之兼服下水藥差

又論曰此病若脊膂肉消及兩臂飽肉消盡胷前骨出入
卽難療也若痢赤黑汁兼上氣擡肩喘息皆爲欲死之證
也此是藏壞故爾

又論曰童女年未至十三以上月經未通與之交接其女
日就消瘦面色痿黃不悟之者將爲骨蒸因錯療之屢有
死者有此輩者慎勿療之待月事通自當差矣

又論曰或有人偶得一方云療骨蒸不解尋究根本遂卽
輕用之主療旣不相當病愈未知何日了不求諸鑒者唯

知獨任已功若此之人寓目皆是至如以主肺痿骨蒸方將療痲痺傳屍者斯乃更增其病豈有得痊之理何者主肺痿方中多是冷藥冷藥非痲痺之所宜若用以療痲痺此乃欲益反損非直病仍未差兼復更損其脾胃唯宜溫不合取冷如其傷冷脾氣卽衰脾衰之證兩肋虛滿食既不消兼之下利如斯穿鑿欲益反損終莫能悟良可悲哉夫略舉一隅他皆倣此

又論曰凡患骨蒸之人坐卧居處不宜傷冷亦不得過熱冷甚則藥氣難通兼之脹滿食不消化或復氣上熱甚則血脉擁塞頭暈目疼唇乾口燥心胃煩悶渴欲飲水此等

是將息過度之狀深可誠也將養之法須寒溫得所先

熱而脫先寒而著若背傷冷即令欬嗽若手足傷熱即令

心煩若覆衣傷厚即眠卧盜汗若覆衣過薄即心腹脹滿

所昇食飲不限時節寧可少食保無宿症數數進之助藥勢也必須

傷軟易消故也不宜傷硬恐損胃氣致不消也此皆以意消息之為佳

又論曰主療之法先須究其根本考其患狀診其三部決

其輕重量其可不與其湯藥指期取差若能如此方可措

手先療其根次其末針灸湯散必須相應無容病根深遠

少服仰望痊除未及得瘳便復罷藥乃言藥病乖越似不

相當如此懷疑余所不取亦有因瘳後作亦有因痢後為

此病根其源非一略舉綱紀比類而取療之方法如後所言

又論曰骨蒸之病無問男女特忌房室舉動勞作尤所不宜陳臭酸鹹粘食不消牛馬驢羊大小二豆猪魚油膩酒麩瓜果野猪之屬葵笋蒜厥及生冷等並不得食自非乎復一月以後乃漸開也大略如此觸類而長之此病宜食煮飯鹽豉豆醬燒薑葱韭枸杞苜蓿苦菜地黃牛膝葉並須煮爛食之候病稍退恐肌膚虛弱者可時食乾鹿脯爲味中間所有得食之者按其條下具言之

廣濟療婦人腹內冷癖血塊虛脹月經不調瘦弱不能食

無顏色狀如傳尸病方 張文仲方

麴末 二升 大麥蘖末 二升 生地黄 肥大者切三升 白朮 八兩

牛膝 切三升 桑耳 剉三升金色者 薑黃 八兩 當歸 十四分

生薑 合皮二升 桃人 杏人 各二升去皮尖及雙人者熬

近用加橘皮 八兩

右十二味並細切於臼中以木杵擣之如泥內瓶中以物蓋口封之勿令洩氣蒸於一大石米中飯熟出之停屋下三日開出暴乾擣為散酒飲服方寸匕日二服漸加至一匕半不利初服十日內忌生冷難消之物以助藥勢過十日外即百無所忌任意恣口食之唯忌桃李

若須桃李宜去木若不能散蜜丸服之亦得一服三十

丸日二服去病令人能食肥健好顏色忌桃李雀肉燕

莢 出第四卷中

文仲論傳屍病亦名痲瘧遁疰骨蒸伏連殭殍此病多因
臨屍哭泣屍氣入腹連綿或五年三年有能食不作肌膚
或二日五日若微勞即發大瘡頭額頸骨間尋常微熱翕
翕然死復家中更染一人如此乃至滅門療之方

癩肝

一具破
乾炙

鼈甲

一枚
炙

野狸頭

一枚
炙

紫苑

四分

漢防已

一兩
半

蜀漆

洗

麥門冬

去
心

甘草

各
一兩

右八味搗篩以成鍊烱羊腎脂二分合蜜一分烱冷和

九藥如梧子大服十九加至十五九日再以飲下之其藥合和訖分一分頭邊著一分懸門額上一分繫臂上先服頭邊次服臂上次服門上者大驗忌海藻菘菜莧菜

又灸法

立脚於繫鞋處橫文以手四指於文上量脛骨外逼脛當四指中節按之有小穴取一縷麻刮令薄以此麻緩繫上灸令麻縷斷男左女右患多減

又方

青羚羊肺

一具破於布上乾之

葇蓉子

一升箱袋盛

醋

一升

同漬經三

日出各於布上暴之令至乾微火熬葭蓉子各搗篩
和以蜜丸如梧子服三丸加至四丸

地骨皮 白薇 芍藥 甘草

犀角 升麻 茯神 麥門冬

黃芩 桔梗 枳實 大黃

前胡 茯苓 天門冬 生薑

桑根白皮 羚羊角 當歸 柴胡

朱砂 芎藭 鼈甲 蜀漆

知母 石膏 常山 烏梅

香豉 黃耆 地黃 橘皮

以上並可詳度病狀用之

伏連方五首

廣濟療瘦病伏連傳屍鬼氣疰忤惡氣方

斑猫

去頭足熬

射干根

各四分

石膽

七分別研

桂心

一分

牛黃

各二分別研

犀角

三分生者屑

人參

二分

石蜥蜴

一枚炙

紫石

七分別研

蜈蚣

四十炙

麝香

少許別研

右十一味搗篩為散研相和每日空腹服一寸七日三

服用并華水二合温卽頓服勿臨喫與白米粥喫好覺

小便澁好如合藥勿使婦人小兒雞狗見忌熱麪果子

五辛酒肉生血生葱

備錄
十經當

又療瘦病伏連辟諸鬼氣惡症朱砂丸方

光明朱砂

一大兩

桃人

十枚去皮尖
雙入者熬

麝香

三分
研

右三味研朱砂麝香令細末別擣桃人如脂合和為丸

如梧子其和不合以蜜少許合成訖清飲服一七九日

二服不利忌生血物

並出第十四卷中

崔氏斷伏連解法

先覓一不開口葫蘆埋入地取上离日開之煮取三匙

脂粥內其中又剪紙錢財將向新塚上使病兒面向還

道背塚坐以紙錢及新絲鬪塚及病人使匝別將少許

紙錢圍外與五道將軍使人一手捉葫蘆一手於坐傍

新按
新按

以一刀穿地卽以葫蘆坐所穿地及坐葫蘆了使一不
病人捉兩箇鏢拍病人背呪曰伏連伏連解伏連伏連
不解刀鏢解又呪曰生人持地上死鬼持地下生人死
鬼卽各異路呪訖令不病人卽擲兩鏢於病人後必取
二鏢相背不背更取擲取相背止乃並還勿反顧又取
离日令病人騎城外車轍面向城門以水三升灰三重
圍病人又作七箇不翻餅與五道將軍呪曰天門開地
戶閉生人死鬼各異路今五离之日放捨卽歸呪訖乃
還莫迴頭此法大良

出第七卷中

文仲療伏連病本緣極熱氣相易相連不斷遂名伏連亦

名骨蒸傳屍比用此方甚驗

人屎

五大升
濕者

人小便

一升

新炊粟飲

五大升

六月六日麴

半餅
熬碎

右四味取一瓷瓶盛密封置一室中二七日並消一無

惡氣每旦服一大合盡二服無不差者合藥時潔淨燒

香勿令婦人小兒女子雞犬孝子見之 出第一卷中

延年桃奴湯主伏連鬼氣發即四肢無力日漸黃瘦乍好

乍惡不能方

桃奴

茯苓

各三兩

鬼箭羽

芍藥

人參

橘皮

各二兩

生薑

四兩

檳榔 七枚

尚德按
能字下
設有脫

麝香一分
別研

右九味切以水九升煮取二升七合去滓內麝香温分
爲三服如行八九里久忌大醋生冷五辛
出第十七卷中

飛尸方三首

病源飛尸者發無由漸忽然而至若飛走之急疾故謂之

飛尸其狀心腹刺痛氣息喘急脹滿上衝心胃
出第二十三卷中

集驗療飛尸瓜蒂散方

瓜蒂

赤小豆各一分

雄黃二分
研

右三味擣下細篩一服五分七稍增至半錢匕以酪服

藥廣濟療李中惡心腹絞刺氣急脹奄奄欲絕
○廣濟同出第七卷中

備急張仲景療飛尸走馬湯方

巴豆 二枚去心皮

杏仁 二枚去尖皮

右二物綿纏搥令極碎投熱湯二合指捻取白汁便飲

之食頃當下老小量服之通療鬼擊病忌野猪肉蘆笋

此已見卒痙中正療飛尸故不刪也

○文仲同出第一卷中

古今錄驗附著散療飛尸在人皮中又名惡脉又名賊風

發時急頭痛不在一處鍼灸則移發時一日半日乃微差

須臾復發皆療之方

細辛

天雄 炮

莽草 各一分

桂心 三分

附子 四分

雄黃 二分

烏頭 四分

乾薑 四分

右九味擣下篩服五分七不知稍增當以好酒服之忌

猪肉冷水生葱生菜出第六卷中

遁尸方三首

病源遁尸者言其停遁在人肌肉血脉之間若卒有犯觸

則發動亦令人心腹脹滿刺痛氣息喘急傍攻兩脅上衝

心胃差後復發停遁不消故謂之遁尸也出第二十三卷中

廣濟療初得遁尸及五尸經年不差心腹短氣方

鵲骨三寸 羚羊鼻二枚炙 乾薑一兩 麝香二分

蜥蜴一枚 斑貓十四枚去翅足熬 雞屎白三兩

巴豆

五枚去心皮熬令黑

芫青

二十枚去翅足熬

藜蘆

一兩去蘆頭熬令黃

右十味擣篩蜜和丸空腹以飲服如小豆三九日二服

稍加至六七九以知為度至吐利忌生冷油膩猪肉蒜

粘食陳臭蘆笋

一方無斑貓雞屎白巴豆芫青藜蘆

又初得遁尸鬼症心腹中刺痛不可忍方

青木香

六分

丁香

六分

鬼箭羽

一分

桔梗

一分

紫蘇

橘皮

當歸

各八分

生薑

十二分

檳榔

十四分合子碎

桃梟

十四枚去核

右十味切以水九升煮取三升絞去滓分為三服日晚

再以快利為度忌如藥法

一方無橘皮桃梟

○並出第四卷中

通按
桃梟即
桃奴

瘰癧瘻通尸心腹刺痛不可忍方

桂心 一尺準
一兩

乾薑 三分

巴豆 二枚去
皮心熬

右三味合搗下篩以好苦酒和之如泥以塗痛處燥即

易之忌野猪肉蘆笋 千金同用乾薑一兩出第一卷中

五尸方一十一首

肘後療卒中五尸五尸者飛尸遁尸風尸沈尸尸疰也其

狀皆腹痛脹急不得氣息上衝心胃傍攻兩脅或礫塊踠

起或攣引腰脊今取一方而兼療之

搗蒺藜子蜜丸如胡豆服二九日三

又方

擣商陸根熬以囊盛之更番熨之冷復易

又方

粳米二升水六升煎二沸服之

又方

掘土作小坎以水滿坎中熟攪取汁飲之

並出第一卷中

翻繁療五尸蠱疰中惡客忤心腹刺痛丹砂丸方

丹砂 研

乾薑

芎藭

荒花 熬

烏頭 炮各四分

芍藥

桂心 各八分

野葛皮 三分

吳茱萸 合一

右九味擣篩蜜和為丸如大豆服三九日三清飲進之

忌生... 猪肉生葱 一方無巴豆梔子出第十卷中

備急療卒中五尸遁尸風尸飛尸尸疰沈尸其狀皆腹痛

脹急衝心攻脅或礫塊踊起或牽腰脊方

破雞子一枚取白生吞之困者搖頭令下 文仲肘後同

又方 葛氏法

雄黃 大蒜 各一兩

右二味擣和取如彈丸內二合熱酒中服之須臾未差

更服有尸疹者常畜此藥用之驗 文仲肘後同

又方

乾薑 附子 桂心 巴豆 各一兩 二分 三十枚去皮心生用

右四味搗篩蜜和又內臼中搗萬杵服如小豆二丸此藥無所不療忌野猪肉蘆筍生葱

肘後同並出第一卷中

文仲療卒中五尸方

取屋四角茅內銅器中以三尺布覆腹著器布上燒

茅令熱隨痛追逐蹠下痒便差若瓦屋削四角柱燒

用之神驗 肘後同出第一卷中

古今錄驗八毒赤丸療五尸癥積及惡心痛蟲疰鬼氣無所不療卽是李子豫赤丸方 出胡錄

雄黃 研

真珠 研

礬石

泥裏燒半日

牡丹皮

巴豆 去皮心熬

附子 炮

藜蘆

炙各一兩

蜈蚣

一枚炙去足

右八味擣篩蜜和丸服如小豆二九日一極得吐下欲
長將服者可減一丸忌猪肉狸肉蘆筍生血等物

又五尸丸療諸尸疰方

芍藥

柱心

各八分

吳茱萸

合一

丹砂

芎藭

烏頭

炮

乾薑

各四分

蜀椒

兩去目汗

梔子

五分

巴豆

四十枚去心皮熬

右十味擣下篩蜜和丸如大豆

服三九日三忌猪肉

生葱蘆筍生血等物

並出第七卷中胡洽有芫花四分野葛皮二分爲十二味

尸疰方四首

病源尸疰者卽是五尸內之尸疰而挾外鬼邪之氣流注

身體令人寒熱淋瀝沈沈默默不的知所苦而無處不惡
 或腹痛脹滿喘急不得氣息上衝心胃傍攻兩脅或螺塊
 踊起或攣引腰脊或舉身沈重精神雜錯常覺昏謬每節
 氣改變輒致大患積月累年漸就頓滯以至於死死後復
 易傍人乃至滅門以其尸病症易傍人故曰尸症出第二十二卷中
 剛繁瘵尸症損鼻或聞哭聲或見尸常發死人席湯方

取死人眠席斬棺內餘棄路者一虎口長三寸止一
 物以水三升煮取一升為一服立効出第十卷中

文仲療尸症方

取新布裏椒薄症上以熨十火熨椒令汗出立驗

又姓氏方

燒髮灰

杏人

熬令紫色等分

右二味擣如脂以猪膏和酒服如梧子三九日三神良
千金同

又鸛骨丸療尸疰惡氣兼療百病方

鸛骨

三寸炙

桂心

三寸

雀蟲

十四枚去翅足熬

巴豆

三十枚去心皮熬

斑猫

十四枚去翅足熬

右五味擣篩蜜和為丸如小豆一服二九日三服清飲

進之忌野猪肉蘆笋生葱

並出第一卷中

五疰方四首

病源注者住也言其連滯停住死又注易傍人也注病之
狀或乍寒乍熱或皮膚淫躍或心腹脹刺痛或支節沈重
變狀多端而方云三十六種九十九種及此等五注病皆
不顯出其名大體與諸注皆同 出第二十四卷中

刪繁華佗錄帙五疰丸療中惡五疰五尸入腹胃脅急痛
鬼擊客忤停尸垂死者入喉即愈若已噤將物強發開若
不可發扣齒折以灌下藥湯酒隨進之即効方

丹砂 研

雄黃 研

附子 炮各一兩

甘遂 半兩熬

豉 六十粒熬

巴豆 六十枚去心皮熬令變色

右六味擣下篩巴豆別研令如脂乃更合擣取調白蜜

和之藏以密器若有急疾服胡豆二丸不覺更益以飲
投之此藥多有所療殺鬼解毒破積去水良驗忌生血
物猪肉蘆笋 古今錄驗同出第九卷中

小品五疰湯主卒中賊風遁尸鬼邪心腹刺痛大脹急方

大黃 三兩 別漬 甘草 二兩 炙 烏頭 十枚 炮 削皮 生薑 半斤

桂心 四兩 芍藥 當歸 各二兩 蜜 一斤

右八味切以水丸升煮取三升烏頭別內蜜中煎令得
一升投著湯中去滓分服三合如人行三十里又一服
日三不知可至四合王尹威數用之忌海藻菘菜猪肉

生葱 千金同出第四卷中

古今錄驗五疰丸一名神仙丸一名千金丸一名轉疰丸
一名司命丸一名殺鬼丸療萬病邪鬼疰忤心痛上氣厥
夢蠱毒傷寒時疾疫癘方

丹砂 研

礬石

泥裹燒
半日

雄黃

研

巴豆

去心
皮熬

藜蘆 熬

附子

炮各
二分

蜈蚣

一枚炙
去足

右七味搗篩蜜和丸如小豆服一丸日一卽差不解夜

半更服一丸定止帶一丸辟惡忌猪肉冷水生血物狸

肉 出第七卷中

又五野丸療五疰尸疰哭疰冷疰寒疰熱疰在身體寒熱

短氣兩脅下痛引背腰脊吸吸少氣不能行飲食少面目

黃小便難項強不得俛仰腹堅癰臍左右下雷鳴脹手
足煩疼目不明喜忘久風濕痺腰脊不隨喜夢寤百病皆
療之方

牛黃 研

麝香 研

蜀椒 去目汗

雄黃 研

大黃

當歸

蜀烏頭 炮

蜀天雄 炮

消石

熬一方用苾消各一分

人參

桂心

朱砂

細辛

乾薑 各二分

石蜥蜴 一枚炙

巴豆

五十枚去心皮熬

鬼臼 二分

右十七味搗篩蜜和丸如梧子服三九日再不知稍增
以知爲度忌猪肉蘆笋生葱生菜生血物 出第六卷中

江南九十九疰方二首

集驗療江南疰病凡有九十九種寒熱尸疰此病隨月盛
衰人有三百六十脉走入皮中或左或右或裏或表如刀
錐所刺乍寒乍熱嗳咽如鯁食如噎胃中痛繞臍苦痛食
不知味腰中難以俛仰兩膝屈伸面或黃或青或白或黑
至死更相注易方

取桑根白皮切三升暴燥作湯淋取汁浸小豆二升
如此取汁盡蒸豆熟作羊鹿肉羹噉此豆

出第一卷中

崔氏金牙散主邪魅心腹刺痛病狀與前方同

金牙 別研

雄黃 研

丹砂 研

礬石

泥裏燒半日

寒水石

羌青熬

巴豆

去皮熬

朴消

桔梗

茯苓

人參

貫衆

附子炮

蜀椒

去汗目

露蜂房

炙

龍骨

乾薑

牡桂

烏頭

炮

石膏

研

莽草

炙

菴蓉

大戟

芫花

熬

防風

狸骨

炙

商陸根

大黃

細辛

蛇蛻

炙

玉支

一作玉泉

貝母

一作牙子 卽狼牙也

右三十二味等分下篩酒服五分七日三忌猪肉冷水

生菜生血肉大醋蘆笋

集驗同出第七卷中

江南三十六症方三首

羊躑躅
異名細

玉支即
商陸按

或是
作玉泉

玉支一
本草無

老按

汗目疑
當作目
汗

自作枝
五誤別

錄主治

邪氣鬼

疰毒

玉泉即

玉漿不

療邪魅

下同

崔氏金牙散療江南三十六疰人病經年羸瘦垂死服之

皆差并帶之能殺鬼氣逐尸疰諸惡癘不祥悉主之方

出胡洽

金牙 研

曾青 研

消石 研

礞石 泥裹燒
半日

石膏 研

莽草

玉支 一作玉泉

雄黃 研

朱砂 研

寒水石

龍骨

蛇蛻皮 炙

芫青 熬

當歸

龍膽

大黃

細辛

防風

大戟

芫花 熬

野葛 炙

茯苓

天雄 炮

茯苓

附子 炮

烏喙 炮

乾薑

人參

楮梗

桂心

椒去目汗

貫衆

巴豆

去心皮熬

狸骨炙

蜂房炙

鶴骨炙各一兩

右三十六味搗篩為散以酒服一錢匕漸增五分匕日

三并以三角絳囊貯散方寸匕以繫頭及心上大良一

方加蜈蚣蜥蜴雌黃鑑鼻麝香毒公合四十二味忌猪

肉生血物生菜冷水大醋蘆笋出第七卷中

備急療尸疰鬼疰者葛氏云卽是五尸之中尸疰又挾諸

鬼邪為害也其病變動乃有三十六種至九十九種大略

令人寒熱沈沈嘿嘿不的知其所苦而無處不惡累年積

月漸沈頓滯以至於死後復注易傍人乃至滅門覺如此

高德按
死千金

候者宜急療之方

獺肝 一具

右一味陰乾擣末水服一方寸七日三如一具不差更

作姚氏云神良

肘後崔氏千金同

又方

桑根白皮灰二升蒸令氣出下以釜湯三四升三遍

重淋取二升漬赤小豆二升一宿出風乾復漬汁盡

止乃濕蒸令熟以羊肉或鹿肉作羹進此豆飯食一

升漸至二三升重者七八升乃愈病去時體中覺疼

痒淫淫或若根本不除重為之

肘後同並出第一卷中

疰病相染易方三首

深師療鬼物前亡轉相染夢寤紛紜羸瘦往來寒熱嘿嘿
煩悶欲寢復不能手足熱不能食或欲向壁悲涕或喜笑
無常牛黃散方

牛黃 研

鬼箭羽

王不留行

徐長卿

一名鬼督郵

遠志 去心

乾薑

附子 炮

五味子

石葦 刮去黃皮

黃芩

煗苓 各二分

桂心 一分

代赭 三分

菖蒲 四分

麥門冬 六分 去心

右十五味擣下篩以蜜生地黃汁相拌合復令相得以
酒服方寸匕日三忌猪肉冷水生葱羊肉餛醋物 出第

九卷中

崔氏療江南三十六疰丸療轉疰滅門絕族族盡轉逐中外滅盡復易親友方

雄黃

研二分

麥門冬

去心三分一方用天門冬

皂莢

去皮子炙

莽草

炙各二分

鬼臼

三分

巴豆

去心皮熬二分

右六味擣篩蜜和為丸如小豆服二九日一服忌鯉魚

野猪肉蘆筍

又赤丸療人久疰室家相傳乃至滅族方

雄黃

研二兩

馬目毒公

鬼臼也

丹砂

研

運按

鬼白一

方是鬼

莽草

炙

藜蘆

熬各二兩

巴豆

八十枚去心皮熬

皂莢

一兩去皮子炙

真珠研一兩

右八味擣篩蜜和丸如小豆一服二丸吐下惡蟲數十

枚忌野猪肉蘆笋生血物並出第七卷中

鬼疰方二首

病源注之言住也言其連滯停住也人有先無他病忽被

鬼排擊時或心腹刺痛或悶絕倒地如中惡之類其得差

之後餘氣不歇停住積久有時發動連滯停住乃至於死

死後注易傍人故謂之鬼疰也出第二十四卷中

古今錄驗神秘丸療鬼疰邪忤飛尸疰擊犬馬嚙蜂蛇毒

螫盡皆消除方

名以生 則不知 甚何物 性以生 比蜀金 牙散內 有鬼曰 更有毒 公故並 存之

大黃 四兩

硝石 三兩 熬

巴豆 去心 皮熬

雄黃 研各 二兩

右四味搗篩蜜和丸如小豆先食服二九日一服忌野

猪肉蘆笋 出第七卷中

崔氏蜀金牙散療鬼疰風邪鬼語尸疰或在脊脅流無常處不喜見人意志不定面目脫色目赤鼻張唇焦爪甲黃

方

金牙 一分 研

蜈蚣 炙

蜥蜴 石上 者炙

附子 炮各 一枚

人參 四分

蜣螂 七枚 炙

徐長卿

芫青 炙

斑猫 去翅足熬 各十四枚

雄黃 一分 研

桂心 四分

鬼臼 二分

野葛 一分 炙

毒公 三分

芎藭 二分

石長生

椒目

大黃

甘草

蛇蛻 皮炙

露蜂房 炙

曾青 無藍青 代別研 真珠 別研

丹砂 各二分

鬼督郵

烏頭 炮

狼毒 各二分

石膏 五分

間茈 一分

無莖

鬼箭

藜蘆 炙

鶴骨 炙

雷丸

乾漆 熬

龜甲 各二分

狼牙 四分

亭長 七枚 炙

貝母 二枚

凝水石 五分

牛黃 別研

胡鷲屎 各四分

桔梗 三分

鐵精 一分 研

消石 二分 研

右四十五味擣篩為散先食酒服一升日再不知稍增之有蠱隨大小便出也忌猪肉冷水葱海藻菘菜

生血物狸肉 深師千金同出第七卷中

鬼疰心腹痛方一首

古今錄驗還命千金丸療萬病心腹積聚堅結胃脅逆滿

欬吐宿食不消中風鬼疰入腹面目青黑不知人方

雄黃 研

鬼白

徐長卿

礞石

泥裹燒半日

瓜丁

雌黃 研

乾薑

各四分

野葛

七分炙

斑猫

二十枚去足翅熬

蜀椒

四分去目汗

地膽

十五枚去翅熬

射肉 二分

丹參 四分

右十三味搗篩蜜和搗三千杵丸如小豆先食服一丸

日三不知漸增以知為度若百毒所螫牛觸踐馬所踢

德按
後當

喘癰腫瘰癧以一丸於掌中唾和塗痛上立愈正月日
以椒酒率家中大小各服一丸終歲無病神良有驗秘
不傳 出第六卷中

鬼疰羸瘦方二首

古今錄驗黃帝護命千金丸療羸瘦歷年曾滿結珍飲食
變吐宿食不下中風鬼疰疾瘦方

野葛 七寸炙

斑猫 二十枚去足翅熬

雄黃 研

雌黃

鬼臼

瓜丁

丹砂 研

礞石 泥裹燒半日

沙參

莽草 炙

椒 去目汗各一兩

地膽 十五枚去足翅熬

尚德按
蟲毒疑
當作毒
蟲各字
下疑脫
服字

右十二味搗下篩蜜和搗三千杵丸如梧子服五九日
二卒中惡氣絕不知人服如小豆二丸老小半之牛馬
所觸踐癰腫若蟲毒所嚙取一丸著掌中唾和塗瘡中
毒上立愈正月旦以酒率家中大小各一丸一歲不病
若傷寒身熱服一丸若欲視病服一丸病者共卧不恐
忌生血物

又犀角丸療百病鬼疰惡風入人皮膚淫淫液液流無常
處四肢不仁牽引腰背腹脹滿心痛逆氣填胃不得飲食
喑喑短氣寒熱羸瘦喜惡夢與鬼神交通熱欬唾膿血皆
療之方

犀角 屑

桂心 各三分

羚羊角 屑

牛黃

鬼白

附子 炮

獾肝 炙各二分

巴豆 三十枚去心皮熬

蜈蚣

四枚去足炙

麝香 研

真珠

雄黃 研

丹砂

研各四分

射肉 一分

貝齒 十箇燒

右十五味搗篩蜜和搗五千杵平旦服如胡豆二九日

三慎生葱猪肉冷水蘆笋生血等物 並出第六卷中

鬼氣方三首

崔氏療鬼氣辟邪惡阿魏藥安息香方

阿魏藥卽涅盤經云央匱是也服法且取棗許大研

之爲末又取牛乳一大升煎之五六沸停令熱定取

鴨子許大和攪服之更以餘乳盪盞飲之取盡至暮
又取安息香亦如棗許大分如梧子還以熟牛乳服
之令盡每日旦暮常然若無乳者卽以煮肉汁服之
患久者不過十日近者不過五日如過三十日不愈
便停只得食脯肉之屬但是一切菜不得近口特忌
特忌禮部孫侍郎家中有此病所在訪問有人從梁
漢來云官人百姓服此得効者十餘家孫侍郎卽令
依方進服七八日卽効便以此法傳授親知得驗者
非一余時任度支部中欲廣其効故錄之

出第七卷中

延年療鬼氣骨蒸氣日漸羸方

獨肝分十六

人參

沙參

丹參

各三分

鬼臼

苦參

各二分

右六味搗篩蜜和丸如梧子大一服十九飲汁下日三

服加至十九禁生冷猪魚肉生血等物

又五香丸主天行瘟疫惡氣熱毒心肋氣滿脹急及疰鬼

氣等方

青木香

犀角屑

升麻

羚羊角屑

黃芩

梔子人

各六分

沈香

丁香

薰陸香

各四分

麝香

鬼臼

各二分

大黃

芒消

各八分

右十三味搗篩蜜和丸如梧子一服三丸飲下日三服
加至七丸以差止禁蒜麪猪魚

並出第十一卷中

鬼魅精魅方八首

病源凡人有爲鬼物所魅則好悲而心自動或心亂如醉
狂言驚怖向壁悲啼夢寐喜厲或與鬼神交通病苦乍寒
乍熱心腹滿短氣不能食此魅之所持也

出第二卷中

廣濟療傳屍骨蒸殭殍肺接疰鬼氣卒心痛霍亂吐痢
時氣鬼魅瘴瘧赤白暴痢瘀血月閉疰癘丁腫驚癩鬼忤
中人吐乳狐魅吃力迎丸方

吃力迎

卽白朮是

光明砂

研

麝香

當門子

訶黎勒皮

香附子

中白

沉香

重者

青木香

丁子香

安悉香

白檀香

畢撥

者上

犀角

各一兩

薰陸香

蘇合香

龍腦香

各半兩

右十五味擣篩極細白蜜煎去沫和為丸每朝取井華

水服如梧子四丸於淨器中研破服老小每碎一丸服

之仍取一丸如彈丸蠟紙裹緋袋盛當心帶之一切邪

鬼不敢近千金不傳冷水煖水臨時斟酌量忌生血肉臘

月合之有神藏於密器中勿令洩氣出秘之忌生血物

桃李雀肉青魚酢等

又療精魅病方

水銀 一兩

右取水銀內漿水一升炭火上煎三分減二即去火取

水銀如熟豆大取當日神符裹水銀空腹吞之晚又吞

一服三日止無所忌 並出第四卷中

肘後療卒中邪魅恍惚振噤之方

灸鼻下人中及兩手足大指爪甲本令艾丸半在爪

上半在肉上各七壯不止至十四壯便愈 集驗同出第三卷中

深師五邪丸療邪在鬼魅妄言狂走恍惚不識人此為鬼

魅當得殺鬼丸方

丹砂 研

雄黃 研

龍骨

馬日毒公

鬼箭各五兩

鬼白二兩

赤小豆三兩

芫青一兩

桃人

百枚去皮
尖熬別研

右九味擣下篩別研雄黃丹砂細絹篩合諸藥拌令和

調後內蠟和之大如彈丸絳囊盛之繫臂男左女右小

兒繫頭合藥勿令婦人雞犬見之所服蜜和丸如梧子

一服三丸日三忌五辛生血物

出第九卷中

小品療鬼魅四物翦頭散方

東海鳶頭

是由
跋根

黃牙石

又名
金牙

菘蓉

防葵

各一
分

右藥擣下篩以酒服方寸匕欲令病人見鬼增防葵一

分欲令知鬼主者復增一分立有驗防葵萋若並令人

迷惑恍惚如狂不可多服 備急千金同出第五卷中

集驗療男子得鬼魅欲死所見驚怖欲走時有体止皆邪

氣所為不能自絕九物牛黃丸方

荆實 人精也

曾青 蒼龍精也

玉屑 白虎精也

牛黃 土精也

雄黃 地精也

空青 天精也

赤石脂 朱雀精也

玄參 真武精也

龍骨 水精也 各一兩

凡九物名曰九精上通九天下通九地

右搗下篩蜜和丸如小豆先食吞一丸日三稍加以知

為度忌羊血 文仲千金并翼同出第三卷中

必効辟鬼魅方

虎瓜

赤朱

雄黃

蟹瓜

右四味擣令碎以松脂融及煖和爲丸不然硬正朝旦
及有狐鬼處焚之甚効以熏巫人卽神去王三師云奇
効忌生血物

出第四卷中

近効大麝香丸療積年心痛尸疰蠱毒癥癖氣乘心兩肋
下有塊温瘴精魅邪氣或悲或哭蛇蠍蜂等所螫並療之
方

麝香

牛黃

藜蘆炙

朱砂

蜀當歸

茯苓

桔梗

鬼箭羽

金牙

烏頭炮

桂心

吳茱萸

貫衆

丹參各一分

蜈蚣去足

乾薑

人參

虎骨各二分

鬼臼半分

芍藥

雄黃

各一分半

巴豆

二十枚去心皮熬

蜥蜴半枚

右二十三味搗篩蜜和丸如梧子以飲下三丸至辰時

下利若不利熱飲投之即利三兩行後冷醋飲止之即

定然後煑葱食之勿食冷水明日依前服之永差忌熱

麩生菜柿子梨等蛇蠍蜂螫取一丸研破和醋塗之便

差精鬼狐狸之屬拋博瓦或如兵馬行夜發者是鬼魅

無早晚每日服前藥兩丸只三兩日服即差仍每日燒

一九熏身體及衣裳宅中燒之亦好無患人以三五丸
緋絹袋盛繫左臂上辟虎毒蛇諸精鬼魅等忌狸肉生
血物猪肉生葱蘆笋

鬼神交通方四首

崔氏療夢與鬼神交通及狐狸精魅等方

野狐鼻炙

豹鼻炙各七枚

狐頭骨一具炙

雄黃

膈膈臍

鬼箭羽

露蜂房炙

白朮

虎頭骨

炙各一兩

阿魏藥

二兩炙

驢馬狗驢牛等毛

各四分燒作灰

若骨蒸加死人腦骨一兩炙

右十五味並大秤兩擣篩為散攪使調勻又先以水煮

松脂候烱接取以和散和散之時勿以手攪將虎爪攪和爲丸如彈丸以熏患者欲熏之時蓋覆衣被勿令藥煙洩外別擣雄黃爲末以藉藥燒藥節度一如熏香法其藥欲分於牀下燒熏彌善忌桃李雀肉等出第七卷中備急陶氏療女人與鬼物交通獨言笑或悲思恍惚方

松脂

三兩 烱

內雄黃末

一兩

右二味用虎爪攪令調丸如彈丸夜內籠中燒之令女裸坐籠上被急自蒙唯出頭耳過三熏卽斷深師同

又方

雄黃

人參

防風

各二兩

五味子

一升

右四味爲散早以井華水服方寸七日三服

又若男女喜夢鬼通致恍惚者方

鹿角屑酒服三撮日三 並出第二卷中

白虎方五首

近効論白虎病者大都是風寒暑濕之毒因虛所致將攝
失理受此風邪經脉結滯血氣不行畜於骨節之間或在
四肢肉色不變其疾晝靜而夜發發卽徹髓酸疼乍歇其
病如虎之噬故名曰白虎之病也廣濟療白虎方

犀角 屑

當歸

芍藥

各六分

牛膝

沈香

青木香

虎頭骨

炙各八分

尚德按
廣濟以
下六字
疑不當
書

麝香

一分

槲葉脉

一握

右九味切以水六升煮取二升六合去滓分温三服如
人行四五里進一服別加麝香未服之不利忌生菜熱

麩齋麥蒜

出第四卷中

蘇孝澄療白虎病云婦人丈夫皆有此病婦人因產犯之
丈夫眠臥犯之為犯白虎爾其病口噤手拳氣不出方

灸臍中七壯

一云灸臍中七壯

近効療白虎方

炭灰

五升無炭灰桑灰亦得紗羅羅之一遍

蚯蚓糞

一升搗之

紅藍花

七搵

三味一處攪和熬令熱取好醞醋煖之拌令泥泥以
故布三四重裹分作四分更番當所患痛處熨之數數
轉勿住手按之冷熱得所寧令小熱不得作冷冷卽復
熬令熱又熨之並用後呪法曰青鹿皮青毛出黃鹿皮
黃毛出赤鹿皮赤毛出白鹿皮白毛出黑鹿皮黑毛出
急出吾口神吾口聖唾山崩唾石石裂得汝字汝不
去斫頭斫頭急急如律令其呪法先令人唾痛處以手
按之不住手便卽誦此呪不限遍數以差卽停當誦呪
不得令病人及傍人聞呪須先淨漱口潔淨良効無比
千金勿傳

又療風毒腫一切惡腫白虎病並差方

取三年醞醋五升熱煎三五沸切葱白三二升煮一

沸許卽瓜籬漉出布帛熱裹當病上熨之以差爲度

又療白虎方

猪肉 三串 大麻子 一合 酒 半盞

右三味和麻子口含喫上將猪肉三串手擘向痛處來

去呪曰相州張如意張得興是汝白虎本師急出呪訖

將肉安牀下差送路頭神驗

無辜方二首

崔氏無辜閃癱或頭乾癩癰頭髮黃聳分去或乍痢乍差

尚德按
瓜疑當

作竹飲
蘇竹杓

此狀既多不可備說大黃煎丸方

大黃

九兩錦文新實者若微朽
即不堪用削去蒼皮乃秤

右一味搗篩爲散以上好米醋三升和之置銅碗內於

大鑪中浮湯上炭火煮之火不用猛又以竹木篋攪藥

候堪丸乃停於小瓷器中密貯兒年三歲一服七丸如

梧子日再服常以下青赤膿爲度若不下膿或下膿少

者稍稍加丸下膿若多丸又須減病重者或至七八劑

方盡根本大人小兒不等以意量之此藥唯下膿及宿

結不令兒痢禁牛馬驢雞猪魚兔肉生冷粘滑油膩小

豆蕎麥乳母亦同此忌

外臺秘要
又療無辜腦後兩畔有小結者方

无辜之病此結爲根欲療者先看結之大小然後取
細竹斟酌籠得此結便截竹使斷狀如指環形仍將
此竹籠結自然不得轉動以火針針結子中央作兩
下去針訖乃塗少許膏藥無者雜油亦得須待三兩
日又如前報針更經一兩日當膿水自出若不出復
如前針候膿潰盡結便自散俗法多用刀子頭割者
謂之割無辜比來參詳殊不知針之以絕根本恐患
者不悉故復重說之

並出第七卷中

除骨熱方四首

德按
有方

范汪療骨熱狸骨丸方

狸骨

連翹各五分

土瓜

山茱萸

玄參

胡鷲屎

黃芩

丹砂

馬目毒公

鳶尾各二分

黃連

芍藥

雄黃

青箱子

龍膽

栝樓各三分

右十六味搗篩蜜和丸如梧子先食服三九日三不知

稍稍增之以知為度禁食生魚菜猪肉黃黍米生血物

古今錄驗同

古今錄驗除熱三黃丸療骨熱身多瘡癩癰腫者方

大黃

黃芩

黃連

當歸

茯苓

桂心

乾薑

芍藥

各二分

梔子

一十四枚擘

柴胡

三分

右十味搗篩蜜和丸先食服如小豆三丸不知增至十

丸欲取微利以意增之久服益良忌生葱醋物猪肉冷

水

又方

大黃

黃連

黃芩

各一兩

芒消

二兩

右四味搗篩蜜和為丸一服五丸漸加以知為度忌猪

肉冷水

並出第四卷中

盜汗方七首

病源盜汗者因眠睡而身體流汗也此由陽虛所致久不
已令人羸瘠枯瘦心氣不足亡津液故也診其脉男子平
人脉虛弱細微皆為盜汗脉也 出第三卷中

崔氏療盜汗夜睡中即汗汗不休必得風方

麻黃根

細切

小麥

各二升

右二味以水一斗二升煮小麥得九升內麻黃根煮之
得三升去滓分為三服常夜服之不過兩劑即止

又方

甘皮

薑

各一兩

杏仁

三兩去尖皮熬

當歸

四兩

右四味搗合蜜和丸服如梧子五丸漸漸增之

又方

取死人席緣燒作灰淋汁熱洗從頭至足愈

又止汗粉方

朱規送

麻黃根

牡蠣粉

敗扇灰

括樓

各三兩

白朮

二兩

米粉

三升

右六味擣諸藥下篩為散和粉攪令調以生絹袋盛用

粉身體日三兩度忌桃李雀肉仍灸大椎五六百炷日

灸二七五七任意不能日別灸亦得汗即漸止

並出第三卷中

延年主盜汗夜臥床席衣被並濕方

麻黃根

牡蠣

碎之綿裹各三兩

黃耆

人參

各二兩

枸杞根白皮

龍骨

打碎各四兩

大棗

七枚

右七味切以水六升煮取二升五合去滓分温六服如

人行八九里久中間任食一日令盡禁蒜熱麩等物

又療夜卧盜汗方

左顧牡蠣

黃耆

各三兩

麻黃根

五兩

杜仲

二兩

右四味搗篩爲散一服方寸匕日三夜一服用敗蒲扇

煮取汁下藥禁蒜麩

並出第一卷中

古今錄驗療盜汗麻黃散方

麻黃根

三分

故扇

燒屑一分

右二味搗下篩以乳服三分仍日三大人方寸匕日三

回德按
李時珍

本草附

貴根小

免盜汗

引之無

仍日一

仍白文

以作仍

以作仍

不知益之又以乾薑三分粉三分搗合以粉粉之大善
出第十卷中

右聖功郎充兩浙東路提舉茶鹽司幹辦公事張寔

較勘

大日本

醫官

平安山脇尚德玄飛甫

校刊

清水敬長源五甫 糸校

重訂